

CONVENIO DE COLABORACIÓN ENTRE AUGAS DE GALICIA, PORTOS DE GALICIA E O CONCELLO DE SADA EN RELACIÓN COAS ACTUACIÓNS NO DOMINIO PÚBLICO PORTUARIO PARA A EXECUCIÓN E MANTEMENTO DAS OBRAS "ANTEPROXECTO DE AMPLIACIÓN DA ESTACIÓN DEPURADORA DE AUGAS RESIDUAIS DE SADA. SADA (A CORUÑA). OH.315.1189"

Dunha parte, Ángeles Vázquez Mejuto, conselleira de Medio Ambiente e Cambio Climático, nomeada polo Decreto 44/2024, do 14 de abril, en nome e representación da entidade pública empresarial Augas de Galicia, no exercicio das funcións atribuídas polos artigos 13 da Lei 9/2010, do 4 de novembro, de augas de Galicia e 6 do Estatuto da entidade pública empresarial Augas de Galicia, aprobado polo Decreto 32/2012, do 12 de xaneiro.

Doutra parte, José Antonio Álvarez Vidal, en nome e representación da Entidade Pública Empresarial Portos de Galicia, na súa calidade de Presidente, cargo para o que foi nomeado polo Decreto 101/2023, do 29 de xuño, con domicilio aos efectos deste convenio na Praza de Europa, nº 5A, 6º, Área Central, Polígono de Fontiñas, 15707 Santiago de Compostela (A Coruña), actuando en virtude das facultades que a tal efecto lle confiren os artigos 12.3.a) e 12.3.g) da Lei 6/2017, de 12 de decembro, de EPE Portos de Galicia.

E doutra parte, Óscar Benito Portela, alcalde do concello de Sada, no exercicio das atribucións conferidas no artigo 21.1.b) da Lei 7/1985, do 2 de abril, reguladora das bases do réxime local.

Todas as partes recoñécense mutuamente na calidade en que interveñen coa capacidade legal necesaria para o outorgamento deste convenio e para o efecto

EXPOÑEN

1. O 8.4.2021 o Concello de Sada solicitou, ao abeiro do disposto no capítulo II do Decreto 59/2013, do 14 de marzo, polo que se desenvolve a Lei 9/2010, do 4 de novembro, de augas de Galicia, en materia de execución e explotación de infraestruturas hidráulicas, a colaboración técnica e financeira da Administración hidráulica de Galicia para a execución da obra de referencia, interesando o financiamento pola Administración autonómica do 100% do custo da actuación.

O 19.4.2021 a presidencia de Augas de Galicia acordou aprobar a colaboración técnica solicitada polo Concello de Sada para a execución da obra "Anteproxecto de ampliación da estación depuradora de augas residuais de Sada. Sada (A Coruña)", a prestar por Augas de Galicia, así como o seu financiamento nunha porcentaxe do 100% con cargo aos orzamentos da entidade pública.



2. O 25.8.2021 a dirección de Augas de Galicia aprobou o "Anteproxecto de ampliación da estación depuradora de augas residuais de Sada. Sada (A Coruña)" OH.315.1189.

Coa citada actuación preténdese ampliar a estación depuradora de augas residuais (EDAR) de Sada co fin de axeitar a súa capacidade de tratamento ás necesidades actuais do sistema de saneamento conforme coa normativa vixente.

O financiamento da citada obra xa foi autorizado polo Consello da Xunta o 27.10.2022 no expediente relativo á colaboración técnico-financeira da Xunta de Galicia co Concello de Sada para a execución da obra do "Anteproxecto de ampliación da EDAR de Sada. Sada (A Coruña)".

3. O 18.9.2023 formalizouse o contrato de elaboración do proxecto e execución da obra de ampliación da estación depuradora de augas residuais de Sada. Sada (A Coruña).

4. Para a execución das obras de referencia cómpre ocupar terreos pertencentes ao Dominio Público Marítimo-Terrestre e Zona de Servidume, e están incluídas na zona de adscrición do Porto de Sada, competencia de Portos de Galicia de conformidade co estipulado na Lei 6/2017, do 12 decembro, de Portos de Galicia.

5. A execución de infraestruturas de saneamento coma as que se pretende acometer resulta beneficiosa non so para a vila, senón tamén para a explotación futura das instalacións portuarias.

Esta infraestrutura de saneamento está recollida no proxecto en trámite de plan especial de ordenación urbanística do porto de Sada, que recolle a delimitación de espazos da zona portuaria e que xa foi sometido a informe da Dirección Xeral da Costa do Mar da Secretaría de Estado de Medio Ambiente, do Ministerio para a Transición Ecolóxica e o Reto Demográfico.

Por iso, dado o interese coincidente de todas as partes na execución desta obra, acordan regular as súas relacións en relación coa posta a disposición de terreos, execución, titularidade, mantemento, limpeza e mellora da parte da obra que discorre polo Porto de Sada, e formalizan este convenio, de acordo coas seguintes

CLÁUSULAS

PRIMEIRA. OBXECTO

É obxecto deste convenio establecer as condicións básicas para a colaboración entre a entidade pública empresarial Augas de Galicia, o ente público Portos de Galicia e o concello de Sada, para determinar as condicións nas que o ente público Portos de Galicia autoriza a execución das obras que se definen no "Anteproxecto de ampliación da estación depuradora de augas residuais de Sada. Sada (A Coruña)" OH.315.1189, na parte que se desenvolve no dominio



público portuario (no Porto de Sada) e pon a disposición sen cambio de titularidade ou cualificación xurídica dos bens e terreos portuarios, libres de cargas os terreos que resulten necesarios para a execución das citadas obras na zona do Porto de Sada.

Concretamente o dominio público portuario no que se desenvolverán as citadas actuacións reflíctese no plano anexo a este convenio, se ben poderá producirse lixeiras variacións na fase de redacción do proxecto da EDAR.

SEGUNDA. OBRIGAS DAS PARTES

A. OBRIGAS DA ENTIDADE PÚBLICA EMPRESARIAL AUGAS DE GALICIA

Para o cumprimento do obxecto deste convenio, Augas de Galicia obrígase a:

1 Respetar as actuacións establecidas na execución das obras no Porto de Sada definidas no "Anteproxecto de ampliación da estación depuradora de augas residuais de Sada. Sada (A Coruña)", de clave OH.315.1189.

2 Así mesmo:

- Unha vez estea redactado o proxecto da EDAR deberá ser remitido a Portos de Galicia para informe preceptivo, no que Portos de Galicia incluírá a xustificación da compatibilidade do uso autorizado coa normal explotación do porto.
- Velar porque a reposición dos pavimentos afectados iguallen ou superen as actuais prestacións en canto a calidade (pavimento de formigón e aglomerado asfáltico) e dimensionamento (espesores, composición, densidades, etcétera), tendo en conta ademais a sinalización viaria final dos pavimentos a repoñer. No caso dos viarios, deberá repoñerse todo o viario afectado polas obras con pavimentos ou firmes con capacidade suficiente para soportar o tráfico de vehículos pesados xerados no porto. Previamente ao inicio dos traballos de reposición deberá contarse coa aprobación expresa dos servizos técnicos do ente público Portos de Galicia.
- Adoptar as medidas e procedementos construtivos axeitados co fin de garantir en todo momento a normal explotación portuaria, no relativo á incidencia dos traballos no porto, en especial no referente á entrada e saída de embarcacións e dos vehículos do tráfico portuario.
- Garantir a reposición dos servizos afectados sen que se interrompa o servizo subministrado. Calquera obra de afección destes servizos deberá contar coa supervisión expresa do persoal de Portos de Galicia.
- Tomar as máximas medidas de seguridade para evitar calquera tipo de polución ou contaminación tanto na zona portuaria coma nas proximidades, quedando expresamente prohibido o vertido de residuos ao mar, debendo cumprir en cada momento coa normativa vixente nestas materias.
- Tendo en conta a natureza dos terreos da zona portuaria, deberanse establecer os procedementos construtivos axeitados e medidas de



seguridade co fin de evitar calquera dano as persoas, edificacións e instalacións existentes.

- Manter en bo estado o dominio público portuario, así como de mantelo en perfectas condicións de limpeza, hixiene e seguridade.

3. Calquera modificación dos proxectos, así como a execución de obras non contempladas no mesmo que afecte a bens e terreos portuarios requirirá a previa autorización de Portos de Galicia.

4. Antes do comezo das obras deberá ter lugar a implantación delas, para o que Augas de Galicia citará ao Concello de Sada e ao ente público Portos de Galicia, para delimitar e definir axeitadamente sobre o terreo as actuacións en zona portuaria. Neste acto concretarase sobre o terreo o trazado preciso dos elementos de saneamento, que poderá ser reaxustado co fin de facelo compatible coa normal explotación portuaria, debendo ter o visto bo da persoa titular da Xefatura da Zona Centro de Portos de Galicia.

En caso de modificación do establecido na acta de implantación, e previamente a calquera execución, citarase a comisión de seguimento establecida na cláusula V quen resolverá as posibles discrepancias que puideran xurdir.

5. Entregar ao concello de Sada as obras que execute esta entidade en terreos de dominio público portuario, unha vez finalizadas, nos termos establecidos neste convenio e no Decreto 59/2013, do 14 de marzo, polo que se desenvolve a Lei 9/2010, do 4 de novembro, de Augas de Galicia, en materia de execución e explotación de infraestruturas hidráulicas.

6. No ámbito das súas facultades, afrontar e intentar resolver conforme aos principios de boa fe e lealdade, as dificultades ou problemas que podan xurdir no desenvolvemento deste convenio.

A formalización deste convenio non implica no seu desenvolvemento e execución compromisos adicionais de gasto respecto dos comprometidos e asumidos na resolución pola que se aproba a colaboración técnica solicitada polo Concello de Sada para a execución da obra "Anteproxecto de ampliación da estación depuradora de augas residuais de Sada. Sada (A Coruña)", a prestar por Augas de Galicia, así como o seu financiamento nunha porcentaxe do 100% con cargo aos orzamentos da entidade pública.

B. OBRIGAS DO CONCELLO DE SADA

Para o cumprimento do obxecto deste convenio, o Concello de Sada obrígase a:

Respecto ás relacións co ente público Portos de Galicia, unha vez que as obras estean rematadas, e dado que o concello asumirá a súa titularidade de conformidade co estipulado no citado expediente de colaboración técnico financeira ao abeiro do disposto no capítulo II do Decreto 59/2013, do 14 de marzo, polo que se desenvolve a Lei 9/2010, do 4 de novembro, de augas de Galicia, en materia de execución e explotación de infraestruturas hidráulicas :



1. Explotar, conservar, manter e limpar as instalacións de saneamento e depuración actualmente existentes en terreos de dominio público portuario, en tanto sexan compatibles estas tarefas coa execución das obras referidas neste convenio.
2. Asumir a explotación, conservación, mantemento e limpeza da obra realizada nos terreos de dominio público portuario, así como a asunción de todos os gastos necesarios para elo, incluídos os asociados aos consumos enerxéticos, de reactivos, de persoal e de xestión de residuos, desde o momento en que a obra sexa posta a disposición do concello por Augas de Galicia. Comprométese a solicitar a Portos de Galicia con carácter previo á finalización das obras a formalización do título administrativo que corresponda para regular a fase de explotación das obras existentes e construídas.
3. Asumir as responsabilidades que fronte a terceiros puidesen xurdir derivadas da posesión, disposición e utilización da infraestrutura de saneamento autorizada, quedando Portos de Galicia eximido de toda responsabilidade neste extremo.
4. Correr co pago de tódolos tributos que xere a explotación das instalacións de saneamento, incluída a repercusión que do IBI correspondente lle presentará Portos de Galicia, se non procedera a recoller estas instalacións no padrón do IBI como exentas deste imposto.
5. Cumprir as seguintes condicións:

A. Condicións xerais

1. **INVENTARIO:** o Concello remitirá a Portos de Galicia no prazo dun mes dende a formalización do convenio a información detallada das canalizacións así como os elementos e instalacións ou puntos singulares que conforman cada rede de servizo municipal en chan portuario.

En particular achegará:

- a) Un listado a modo de inventario con indicación dos parámetros principais: (1) localizacións en coordenadas UTM incorporables a GIS do comezo e finalización dos tramos, conexións e elementos singulares (rexistros, puntos de vertido, cadros, etc.), (2) lonxitudes, (3) seccións, (4) materiais, e (5) outros parámetros que caractericen a rede como a súa capacidade (5a) e as acometidas existentes (5b).
- b) Representación gráfica en plano .dwg editable dos elementos inventariados.

Incorporase como Anexo II a este convenio os planos coa representación gráfica dos elementos inventariados.

2. **ORDENANZAS DE SERVIZOS E NORMAS RELACIONADAS:** O Concello incorpora como Anexo III as ordenanzas reguladoras relacionadas cas prestacións dos servizos amparados nas infraestruturas obxecto deste convenio. Adicionalmente indicarse se o/s servizo/s se presta/n por xestión directa ou por terceiros en virtude de contrato administrativo.

No caso das instalacións de alumeado, remitirase copia do boletín e do contrato de subministro formalizado para garantir o pago dos consumos propios.

3. ACTUALIZACIÓN DA INFORMACIÓN: Tanto o Anexo II coma o Anexo III deberán ser actualizados cada vez que unha modificación o requira. Será o Concello o que teña a obriga de remitir dita actualización xunto coa solicitude de modificación que quedará incorporada ao presente convenio.

4. MANTEMENTO E GARANTÍA DE SERVICIO: O Concello asume o mantemento ordinario e extraordinario da totalidade da rede da súa titularidade e/ou xestión e atenderá as avarias que se poidan producir nela, obrigándose á reparalas nos prazos establecidos nas súas ordenanzas . Calquera actuación deberá ser comunicada previamente á xefatura de zona de Portos de Galicia para a súa autorización. Débese acordar pola comisión de seguimento do convenio, que dará traslado para a súa aprobación polos órganos competentes. As ditas actuación, en todo caso, implicarán a actualización do inventario do anexo II. De ser preciso unha intervención de urxencia a dita comunicación extemporánea deberá acreditarse de xeito suficiente.

5. PERMISOS: O Concello é responsable de tódolos permisos relacionados coa prestación do servizo amparados nas obras obxecto de convenio, en particular de tódalas tramitacións relacionadas con puntos de vertido, control de calidade das augas ou legalización sectorial das redes e instalación ante os órganos competentes. Así como as autorizacións sectoriais en materia de medio ambiente e patrimonio cultural, no seu caso.

6. TRAMITACIÓN DE ENGANCHE Á REDE

a. O Concello (ou no seu caso a empresa xestora do Servizo) no marco das súas competencias será o responsable da tramitación das autorizacións de enganche ás redes que reciban dos particulares, sen prexuízo da execución da actuación que se detalla no punto 7.

b. As solicitudes que poida recibir Portos de Galicia que non proveñan do mesmo Concello ou de persoa xurídica subrogada na súa posición non serán admitidas e serán devoltas ao usuario non portuario.

c. Se a necesidade de enganche ou acometida provira dun usuario portuario, Portos de Galicia poderá decidir de xeito alternativo remitila ao Concello para a súa tramitación ou autorizar o dito enganche, incorporándoo ao correspondente título administrativo de titularidade do solicitante, de por si coa soa comunicación ao Concello de dita actuación, sendo neste caso Portos de Galicia o responsable da actualización do inventario e dos planos.

7. EXECUCIÓN DE ACOMETIDAS:

a. O Concello ou a persoa xurídica que actúe pola súa conta en virtude de contrato administrativo será o responsable da execución das obras autorizadas por Portos de Galicia.

Para a execución das acometidas solicitadas por particulares debera achegar o formulario descritivo da actuación, que poderá aglutinar varias acometidas a realizar sobre a mesma rede.

b. As canalizacións executaranse de acordo ás directrices indicadas por Portos de Galicia e se reporán cos pavimentos anteriores no seu defecto ou segundo o indicado en cada autorización particular de obra, en función da tipoloxía do pavimento/s existente/s.

c. Se a execución da actuación se fai por empresa privada en virtude de contrato administrativo depositará esta aval polo importe da actuación. Admitirase a formalización dun único aval, con importe suficiente, que avale todas aquelas actuacións executadas o amparo do presente convenio, que non será inferior o 5% do importe da suma das actuacións que se poidan executar de xeito concorrente. A estes efectos o importe das obras será o orzamento de contrata co IVE incluído.

d. En ningún caso poderá ser executada a acometida por un particular.

8. CIRCUNSTANCIAS EXTRAORDINARIAS: Se por circunstancias extraordinarias Portos de Galicia considerase necesarias actuacións sobre as redes de servizos ou os propios servizos, reclamará ao Concello a adopción de medidas urxentes. Se estas non foran tomadas en prazo razoable, en todo caso superior a 10 días, poderá Portos de Galicia executalas por si mesmo e reclamar ao Concello os gastos incorridos.

9. LEGALIZACIÓN DA REDE E AUTORIZACIÓNS: Portos de Galicia en virtude de este convenio e a partir da súa firma legaliza as redes e instalacións obxecto do mesmo no concernente á ocupación de dominio público portuario. A vixencia e respecto das cláusulas deste convenio habilitan ao Concello para a xestión ordinaria das instalacións en chan portuario sen prexuízo da necesidade de comunicación das tarefas ordinarias e a autorización portuaria para as que impliquen obras ou modificacións así coma as que poidan supoñer interferencias para a operativa portuaria. Portos de Galicia comprométese a dar preferencia ás necesidades de servizo das redes e dar resposta no prazo inferior a 2 meses das solicitudes presentadas polo Concello, a contar dende que se produza o acordo da comisión de seguimento do convenio.

B. Condicións particulares:

REDE DE SANEAMENTO:

S1. PARÁMETROS DE ENTRADA: O Concello garantirá que os caudais incorporados á rede de saneamento cumpran cos parámetros establecidos na lexislación de augas e vertidos.

S2. PARÁMETROS DE VERTIDO E PUNTO DE VERTIDO: O Concello garantirá que os caudais vertidos ás augas cumpran cos parámetros establecidos na

lexislación de augas e vertidos. Os puntos de vertido estarán localizados e debidamente legalizados ante o organismo de conca competente.

S3. ATENCIÓN A VERTIDOS: O Concello responderá cos seus medios e á maior brevidade ante calquera vertido que se produza con orixe a súa rede.

INSTALACIÓNS E EDIFICACIÓNS AUXILIARES

E1. SEGURIDADE INDUSTRIAL: O Concello garantirá a seguridade das instalacións que sexan obxecto deste convenio.

E2. INSPECCIÓNS PERIÓDICAS: O Concello garantirá o mantemento correcto e a legalización industrial periódica dos elementos singulares das instalacións ao servizo deste convenio.

E3. ASPECTO EXTERNO E INTEGRACIÓN CO ENTORNO: O Concello garantirá a integración paisaxística das instalacións e Portos de Galicia poderá establecer criterios estéticos sobre as fachadas, cubertas e demais elementos visibles das instalacións e edificacións que dean servizo ao presente convenio. O Concello será responsable de levalas a cabo.

C. OBRIGAS DO ENTE PÚBLICO PORTOS DE GALICIA

Para o cumprimento do obxecto deste convenio, o ente público Portos de Galicia obrígase a:

1. Autorizar a execución das obras do anteproxecto de referencia, que afectan e se encontran no porto, concretamente as referidos aos colectores xerais, podendo supervisar en calquera momento a súa execución. No caso de detectar desviacións ou deficiencias na execución da obra, poñerá esta circunstancia en coñecemento da dirección da obra e, de existir dano, convocará inmediatamente á Comisión de Seguimento.
2. Poñer a disposición libres de cargas os terreos que resulten necesarios para a execución das obras na zona do Porto de Sada para o normal desenvolvemento das obras.
3. Autorizar a intervención de Augas de Galicia e do concello de Sada na zona do Porto de Sada para o cumprimento das obrigas derivadas deste convenio.

As anteriores autorizacións, nin os pactos e as obrigas estipuladas neste convenio, supoñen alteración da titularidade ou cualificación xurídica dos bens e dereitos portuarios afectados.

Calquera modificado do proxecto das obras que afecte á zona do Porto de Sada, deberá contar coa autorización expresa de Portos de Galicia.

TERCEIRA. COMISIÓN DE SEGUIMIENTO

Constituirase, a iniciativa de calquera das partes, unha comisión formada por dous representantes de cada unha das partes para desenvolver as seguintes actuacións:



- Impulsar e avaliar o cumprimento deste convenio, propoñendo as actuacións que se consideren precisas.
- Interpretar, en caso de dúbida, o contido do convenio.
- Propoñer ás partes a resolución das posibles controversias que puideran xurdir na aplicación do convenio.

Esta comisión reunirase as veces que se estimen oportunas para o cumprimento do convenio.

Os membros desta comisión de seguimento poderán asistir ás reunións desta acompañados do persoal técnico que consideren oportuno. Ademais, cando se considere oportuno, a Comisión de Seguimento poderá requirir a asistencia técnica necesaria para a avaliación e análise das distintas cuestións sobre as que deban adoptarse acordos.

CUARTA. NATUREZA E RÉXIME XURÍDICO

Este convenio de colaboración ten natureza administrativa, rexendo na súa interpretación e desenvolvemento o ordenamento xurídico-administrativo.

Todo litixio, controversia ou reclamación resultantes deste convenio ou relativo a este, a súa interpretación ou execución, o seu incumprimento, resolución ou nulidade, resolverase pola xurisdición contencioso-administrativa.

QUINTA. MODIFICACION DO CONVENIO.

As modificacións formalizaranse mediante addenda a este convenio cos mesmos requisitos e condicións que para a aprobación do convenio.

SEXTA. CAUSAS DE RESOLUCIÓN.

Serán causas de extinción do convenio:

- O non cumprimento do seu obxecto.
- A inviabilidade da realización das actuacións descritas neste convenio por causas non imputables ás partes.
- A denuncia por causas de interese público a instancia de calquera das partes.
- O transcurso do prazo de vixencia do convenio sen acordarse a súa prórroga.
- O acordo unánime de todos os asinantes.
- O incumprimento das obrigas e compromisos asumidos por parte dalgún dos asinantes.

A este efecto o incumprimento poderá ser de carácter total ou parcial de calquera das cláusulas do convenio. Entenderase por incumprimento parcial aquel que implica en maior ou menor grado a non consecución dos fins propios do convenio ou impidan de xeito directo ou indirecto as actuacións previstas nel.



Neste caso, calquera das partes poderá notificar á parte incumpridora un requirimento para que cumpra nun determinado prazo coas obrigas ou compromisos que se consideran incumpridos. Este requirimento será comunicado á comisión de seguimento. Se transcorrido o prazo indicado no requirimento persistise o incumprimento, a parte que o dirixiu notificará ás partes asinantes a concorrencia da causa de resolución e entenderase resolto o convenio. A resolución do convenio por esta causa poderá levar a indemnización dos prexuízos causados, estes prexuízos taxáranse contraditoriamente polas partes.

- Por decisión xudicial declaratoria da nulidade do convenio.
- Por calquera outra causa distinta das anteriores prevista no convenio ou noutras leis.

Cada unha das situacións descritas por si soa é causa suficiente da resolución do convenio.

No caso de extinción anticipada, por algunha das causas anteriores, e respecto ás actuacións en curso, a liquidación deste convenio axustarase ó que segue:

Remataranse as accións e expedientes administrativos xa iniciados que aínda estean sen rematar.

Sen prexuízo do anterior, o convenio, de acordo co art. 51 da Lei 40/2015, do 1 de outubro, de Réxime Xurídico do Sector Público extinguirase polo cumprimento das actuacións que constitúen o seu obxecto ou por incorrer en causa de resolución.

SÉTIMA. INEXISTENCIA DE RELACIÓN CONTRACTUAL

Este convenio non supón asociación algunha ou dependencia entre o persoal dependente das partes asinantes, que actuarán de xeito absolutamente independente e autónomo, sendo obriga específica e exclusiva de cada unha delas cumprir con cantas obrigas legais que como empregadores lle correspondan no desenvolvemento da súa actividade ao abeiro deste convenio. Deste xeito, a subscrición do presente convenio non comportará relación laboral, contractual ou de calquera outro tipo entre as partes asinantes deste convenio e os profesionais e empresas que por conta das partes asinantes desenvolvan as actividades obxecto deste convenio; de tal xeito que non se lle poderá esixir responsabilidade algunha directa, indirecta ou subsidiaria polos actos ou feitos acaecidos no desenvolvemento do mesmo.

OITAVA. RESPONSABILIDADE FRONTE A TERCEIROS

Habida conta dos riscos que se poidan derivar na utilización das instalacións para o fin a que están destinadas, será responsabilidade do Concello de Sada responder dos danos que se deriven a terceiros polo cumprimento defectuoso das obrigas que asumen por medio de este convenio.



Esta responsabilidade establécese nos termos do artigo 33 da Lei 40/2015, do 1 de outubro, de Réximen xurídico do Sector Público, e a competencia para instruír o procedemento de reclamación patrimonial, corresponderalle a Portos de Galicia.

NOVENA. PUBLICIDADE

A sinatura deste convenio suporá o consentimento expreso das partes asinantes para incluír e facer públicos os datos persoais que consten no convenio, e mailo resto de especificacións contidas no mesmo, de conformidade co artigo 15 da Lei 1/2016, do 18 de xaneiro, de transparencia e bo goberno e o Decreto 126/2006, do 20 de xullo, polo que se regula o rexistro de convenios da Xunta de Galicia.

DÉCIMA. VIXENCIA DO CONVENIO

Ao abeiro do artigo 57.5 da Lei 6/2017, do 12 de decembro de portos de Galicia, o convenio terá efectos desde o día seguinte á data da súa sinatura e estenderá a súa vixencia durante 15 anos, e poderá prorrogarse por acordo expreso das partes.

As ditas prórrogas non deben exceder en ningún caso do prazo máximo de 50 anos previsto para as concesións demaniais para a ocupación de dominio público portuario.

Non obstante o anterior, as obrigas asumidas polas partes quedarán sen efecto no caso de que as instalacións deixen de destinarse ao uso de depuración.

No caso de extinción anticipada por causa de incumprimento dalgunha das partes, estarase ao previsto na cláusula sexta.

UNDÉCIMA. PROTECCIÓN DE DATOS DE CARÁCTER PERSOAL

As partes asinantes obríganse ao cumprimento do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos), da Lei Orgánica 3/2018, do 5 de decembro, de protección de datos persoais e garantía dos dereitos dixitais e demais normativa vixente de aplicación en cada momento en materia de protección de datos.

E para que así conste, en proba de conformidade coas cláusulas deste convenio, as partes asinan electronicamente este documento.

A presidenta de Augas de Galicia, Ángeles Vázquez Mejuto
O presidente de Portos de Galicia, José Antonio Álvarez Vidal
O alcalde de Sada, Óscar Benito Portela



ANEXO I. Plano no que se reflicte o dominio público portuario no que se desenvolverá a actuación de clave OH.315.1189

ANEXO II. Inventario

ANEXO III. Ordenanzas reguladoras



ANEXO I. Plano no que se reflicte o dominio público portuario no que se desenvolverá a actuación de clave OH.315.1189



ANEJO Nº 17: PARCELARIO Y DISPONIBILIDAD DE TERRENOS



ÍNDICE


1. INTRODUCCIÓN	2
-----------------------	---

1. INTRODUCCIÓN

El presente anejo tiene por objeto la definición de la titularidad (pública o privada) y el uso de las parcelas en la que se localizan las infraestructuras proyectadas.

2. PARCELARIO

La totalidad de la parcela destinada a la ampliación de la EDAR se localiza en terrenos titularidad de Portos de Galicia. En la siguiente imagen se puede observar su situación sobre el plano de delimitación de usos del PXOM de Sada.




Catalogación en el PXOM de la parcela de la EDAR.

Como puede verse en la figura anterior, la parcela está catalogada junto al resto de terrenos portuarios como Sistema Xeral de Infraestructura Portuaria (SXIP).

Así, en el Catastro, como se observa en la imagen siguiente, el terreno de Portos de Galicia ocupa una única parcela, con referencia catastral **0915501NJ6001N**.




En la siguiente imagen se puede ver la ubicación de la parcela de la EDAR cuya superficie según uso tiene de código **M.A.L25**, con una superficie total de 5.607 m²



CROQUIS A ESCALA 1:10000

Página 1/7





3. DISPONIBILIDAD DE LOS TERRENOS

Las obras de Ampliación de la EDAR se llevarán a cabo en la misma parcela de titularidad de Portos de Galicia y cuyo uso se corresponde con la Planta de tratamiento actual.



ANEXO II. Planos coa representación gráfica dos elementos inventariados





CVE: a011AGC-PS25
Verificación: <https://sede.xunta.gal/cve>



RED EXISTENTE DE ABASTECIMIENTO

ZONA: Sada
REQUERIDO POR: Dpto. Distribución

DIBUJADO: Angel Yañez Padín
REVISADO: Dpto. Distribución

LEYENDA


- Tubería abastecimiento
- Válvula sección
- Boca de riego
- Caudalímetro
- Acometida

ESCALA:
1:4.000

FECHA:
Marzo 2024

HOJA Nº:

1



ZONA: Sada

REQUERIDO POR: Dpto. Distribución

DIBUJADO: Ángel Yañez Padin

REVISADO: Dpto. Distribución

RED EXISTENTE DE SANEAMIENTO

LEYENDA

Tubería saneamiento

Tubería pluviales

Bombes

Pozo de registro saneamiento

⊕ **Pozo de registro pluviales**

Imbornal

ESCALA:

1:4.000

FECHA:

Marzo 2024

HOJA N°:

2



ANEXO III. Ordenanzas reguladoras



Índice

[Artigo 1.º.–FUNDAMENTO E OBXECTO.](#)

[Artigo 2.º.–OBRIGADOS AO PAGO.](#)

[Artigo 3.º.–CUANTIFICACIÓN DAS TARIFAS.](#)

[Artigo 4.º.–OBRIGACIÓN DE PAGO.](#)

[Artigo 5.º.–NORMAS DE XESTIÓN.](#)

Sada - PRESTACIÓN PATRIMONIAL DE CARÁCTER PÚBLICO NON TRIBUTARIO POLA PRESTACIÓN DO SERVIZO PÚBLICO DE ABASTECIMIENTO DE AUGA

Publicación provisional: **28/12/2019** BOP N.º: **247**

Publicación definitiva: **22/12/2020** BOP N.º: **219**

Aplicable dende: **22/12/2020**

Artigo 1.º.–FUNDAMENTO E OBXECTO.

1. En uso da facultade concedida polo artigo 31.3 da Constitución e polo artigo 105.2 da Lei 7/1985, do 2 de abril, Reguladora das Bases do Réxime Local, e de conformidade co disposto no artigo 20.6 do Real Decreto Legislativo 2/2004, do 5 de marzo, polo que se aproba o texto refundido da Lei Reguladora das Facendas Locais, o Concello de Sada establece una prestación patrimonial de carácter público non tributario como contraprestación pola prestación do servizo público de abastecemento de auga no termo municipal de Sada, que se rexerá pola presente Ordenanza. Este servizo se presta de xeito indirecto a través de contrato de concesión.

A prestación patrimonial de carácter público non tributario que se regula na presente ordenanza terá carácter coactivo e será esixida sempre que se presten algúns dos servizos públicos que se relacionan no apartado seguinte.

As tarifas e demais dereitos económicos pola prestación dos servizos que se citan no apartado seguinte, teñen a condición de prestacións patrimoniais de carácter público non tributario, de acordo co artigo 20.6 do TRLHL, en redacción dada pola Lei 9/2017, do 8 de novembro, de Contratos do Sector Público.

É obxecto desta prestación patrimonial, o abastecemento de auga. En xeral, todos aqueles servizos propios obxecto desta Ordenanza que sexan convocados polos interesados ou que especialmente redunden no seu beneficio, aínda cando estes non soliciten a prestación, e que, sendo de competencia municipal, teñan carácter obrigatorio en virtude de precepto legal ou regulamentario.

Artigo 2.º.–OBRIGADOS AO PAGO.

1. Están obrigados ao pago os titulares do contrato de subministro de auga potable, solicitantes ou destinatarios do servizo.



2. Serán responsables subsidiarios do pago, os propietarios destes inmobles, os cales poderán repercutir, no seu caso, as cotas satisfeitas sobre os respectivos beneficiarios do servizo.

Artigo 3.º.–CUANTIFICACIÓN DAS TARIFAS.

3.1. A cota tributaria a esixir pola prestación dos servizos de abastecemento de auga, en función da cantidade de auga, medida en metros cúbicos, utilizada na finca.

A tal efecto aplicarase a seguinte tarifa:

A) Abonados domésticos:

- Por cota de servizo: 4,664181 €/mes
- Bloque 1.–Consumo ata 10 m3/mes: 0,342586 €/m3
- Bloque 2.–Consumo a partir de 10 m3/mes: 0,593529 €/m3

O mínimo desta tarifa será de 10 m3/mes.

B) Abonados industriais:

- Por cota de servizo: 5,849695 €/mes.
- Bloque 1.–Consumo ata 25 m3/mes: 0,472385 €/m3.
- Bloque 2.–Consumo a partir de 25 m3/mes: 0,844478 €/m3. O mínimo desta tarifa será de 25 m3/mes.

C) Conservación de contadores:

- Contador ata 13 mm: 0,24 €/mes.
- Contador ata 20 mm: 0,30 €/mes.
- Contador ata 25 mm: 0,39 €/mes.
- Contador ata 30 mm: 0,49 €/mes.
- Contador maior de 30 mm: 1,08 €/mes”.

Artigo 4.º.–OBRIGACIÓN DE PAGO.

A obriga do pago dos importes das tarifas nace na data de presentación da oportuna solicitude da licenza de acometida, se o suxeito pasivo a formulase expresamente e na data que teña lugar a efectiva acometida, en caso de non existir solicitude ou concesión de licenza; sen prexuízo da iniciación do expediente administrativo que poida instruírse para a súa autorización.

Artigo 5.º.–NORMAS DE XESTIÓN.

Unha vez autorizada a acometida, o cobro da tarifa realizarase trimestralmente, conxuntamente coa taxa do servizo de abastecemento domiciliario de auga potable e prestación do servizo de rede de sumidoiros, entendéndose efectuada a notificación das cotas coa publicación polo Concello do correspondente padrón trimestral da auga.



Índice

[Artigo 1.º.–FUNDAMENTO E OBXECTO.](#)

[Artigo 2.º.–OBRIGADOS AO PAGO.](#)

[Artigo 3.º.–CUANTIFICACIÓN DAS TARIFAS.](#)

[Artigo 4.º.–OBRIGACIÓN DE PAGO.](#)

[Artigo 5.º.–NORMAS DE XESTIÓN.](#)

Sada - ORDENANZA REGULADORA DA PRESTACIÓN PATRIMONIAL DE CARÁCTER PÚBLICO NON TRIBUTARIO POLA PRESTACIÓN DO SERVIZO PÚBLICO DE TRATAMENTO E DEPURACIÓN DE AUGAS RESIDUAIS

Publicación provisional: **28/12/2019** BOP N.º: **247**

Publicación definitiva: **22/12/2020** BOP N.º: **219**

Aplicable dende: **22/12/2020**

Artigo 1.º.–FUNDAMENTO E OBXECTO.

1. En uso da facultade concedida polo artigo 31.3 da Constitución e polo artigo 105.2 da Lei 7/1985, do 2 de abril, Reguladora das Bases do Réxime Local, e de conformidade co disposto no artigo 20.6 do Real Decreto Lexislativo 2/2004, do 5 de marzo, polo que se aproba o texto refundido da Lei Reguladora das Facendas Locais, o Concello de Sada establece una prestación patrimonial de carácter público non tributario como contraprestación pola prestación do servizo público de tratamento e depuración de augas residuais no termo municipal de Sada, que se rexerá pola presente Ordenanza. Este servizo se presta de xeito indirecto a través de contrato de concesión

A prestación patrimonial de carácter público non tributario que se regula na presente ordenanza terá carácter coactivo e será esixida sempre que se presten algúns dos servizos públicos que se relacionan no apartado seguinte.

As tarifas e demais dereitos económicos pola prestación dos servizos que se citan no apartado seguinte, teñen a condición de prestacións patrimoniais de carácter público non tributario, de acordo co artigo 20.6 do TRLHL, en redacción dada pola Lei 9/2017, do 8 de novembro, de Contratos do Sector Público.

2. É obxecto desta prestación patrimonial, o tratamento e depuración de augas residuais. Así como a recepción, vertedura e tratamento de residuos procedentes de pozos negros, na estación depuradora de augas residuais. En xeral, todos aqueles servizos propios obxecto desta Ordenanza que sexan convocados polos interesados ou que especialmente redunden no seu beneficio, aínda cando estes non solicitaren a prestación, e que, sendo de competencia municipal, teñan carácter obrigatorio en virtude de precepto legal ou regulamentario.

Artigo 2.º.–OBRIGADOS AO PAGO.

1.–Están obrigados ao pago os titulares do contrato de subministro de auga potable, solicitantes ou destinatarios do servizo, entre os que se incluírán os que utilicen pozos ou captacións subterráneas propias.



2.–Serán responsables subsidiarios do pago, os propietarios destes inmobles, os cales poderán repercutir, no seu caso, as cotas satisfeitas sobre os respectivos beneficiarios do servizo.

Artigo 3.º.–CUANTIFICACIÓN DAS TARIFAS.

3.1.–A cota tributaria a esixir pola prestación dos servizos de sumidoiros e depuración determinarase en función da cantidade de auga, medida en metros cúbicos, utilizada na finca.

A tal efecto aplicárase a seguinte tarifa:

a) Vivendas:

Por sumidoiros: 0,311851 €/m3.

Por depuración: 5,091466 €/mes.

b) Fincas e locais non destinados a vivendas.

Por sumidoiros: 0,311851 €/m3.

Por depuración: 5,091466 €/mes.

3.2.–En ningún caso poderá tomarse un consumo de auga que sexa inferior ao mínimo facturable por subministro. A cota resultante da consideración deste consumo terá o carácter de mínimo esixible.

Artigo 4.º.–OBRIGACIÓN DE PAGO.

1. A obriga do pago dos importes das tarifas nace na data de presentación da oportuna solicitude da licenza de acometida ou de vertido esporádico sen enganche á rede, se o suxeito pasivo a formulase expresamente e na data que teña lugar a efectiva acometida, en caso de non existir solicitude ou concesión de licenza; sen prexuízo da iniciación do expediente administrativo que poida instruírse para a súa autorización.

2. Os servizos de evacuación de excretas, augas pluviais, negras e residuais, e da súa depuración, teñen carácter obrigatorio para todas as fincas do municipio que teñan fachadas a rúas, prazas ou vías públicas en que exista rede de sumidoiros, sempre que a distancia entre a rede e a finca non exceda de cen metros, e será obrigatoria a tarifa de depuración aínda cando os interesados non procedan a efectuar a acometida á rede.

Artigo 5.º.–NORMAS DE XESTIÓN.

Unha vez autorizada a acometida, o cobro da tarifa realizarase trimestralmente, conxuntamente coa taxa do servizo de abastecemento domiciliario de auga potable e prestación do servizo de rede de sumidoiros, entendéndose efectuada a notificación das cotas coa publicación polo Concello do correspondente padrón trimestral da auga.

